



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA

*O DAVANJU SAGLASNOSTI GRADONAČELNICI GRADA SARAJEVA ZA
POTPISIVANJE SPORAZUMA O MEĐUSOBNIM PRAVIMA I OBAVEZAMA
IZMEĐU MOK-A, OK BIH I GRADA SARAJEVA U POVODU OBILJEŽAVANJA
40. GODIŠNJICE ZIMSKIH OLIMPIJSKIH IGARA ODRŽANIH U SARAJEVU
1984. GODINE
(prijedlog)*

*Predlagač:
Predsjedavajući Gradskog vijeća, u funkciji gradskog vijećnika*

*Obrađivač:
Stručna služba za poslove Gradskog vijeća*

Sarajevo, oktobar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), Gradsko vijeće Grada Sarajeva, na _____. sjednici održanoj dana _____. godine, donijelo je

(prijedlog)

ODLUKU

o davanju saglasnosti gradonačelnici Grada Sarajeva za potpisivanje Sporazuma o međusobnim pravima i obavezama između MOK-a, OK BiH i Grada Sarajeva u povodu obilježavanja 40. godišnjice Zimskih olimpijskih igara održanih u Sarajevu 1984. godine

Član 1.

Ovom odlukom daje se saglasnost gradonačelnici Grada Sarajeva, da u ime Grada Sarajeva, potpiše Sporazum o međusobnim pravima i obavezama između MOK-a, OK BiH i Grada Sarajeva u povodu obilježavanja 40. godišnjice Zimskih olimpijskih igara održanih u Sarajevu 1984. godine, na čiji je usaglašen tekst Međunarodni olimpijski komitet dao suglasnost dana 19.10.2023. godine.

Član 2.

Saradnja iz člana 1. ove Odluke uspostavlja se potpisivanjem „Sporazuma o međusobnim pravima i obavezama između MOK-a, OK BiH i Grada Sarajeva u povodu obilježavanja 40. godišnjice Zimskih olimpijskih igara održanih u Sarajevu 1984. godine“.

Član 3.

Gradonačelnica Grada Sarajeva je ovlaštena da u ime Grada Sarajeva potpiše Sporazum po stupanju na snagu ove Odluke.

Član 4.

Ova Odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj: 01-GV-02-_____/23
Sarajevo, _____. _____. 2023. godine



OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b). Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 140. Poslovnika Gradskog vijeća kojim je propisano da gradonačelnik zaključuje ugovore i druge akte kojima se preuzimaju prava i obaveze za Grad, s tim da se za ugovore veće vrijednosti, a što se propisuje odlukom o izvršavanju budžeta Grada Sarajeva i ugovore iz oblasti međunarodne saradnje mora pribaviti saglasnost Gradskog vijeća, u skladu sa ustavom, zakonom i Statutom.

RAZLOZI DONOŠENJA

Ovim Sporazumom se formalizira saradnja između Olimpijskog komiteta Bosne i Hercegovine i Grada Sarajeva s jedne strane i Međunarodnog olimpijskog komiteta i Grada Sarajeva s druge strane i utvrđuju uslovi za korištenje određenih olimpijskih dobara od strane Olimpijskog komiteta Bosne i Hercegovine i Grada Sarajeva, odnosno trećih strane u saradnji sa Olimpijskim komitetom Bosne i Hercegovine i Grada Sarajeva, a u povodu obilježavanja 40. godišnjice ZOI 84.

Odluka se predlaže po hitnom postupku, u skladu sa Poslovníkom Gradskog vijeća Grada Sarajeva jer je potrebno da navedenu Odluku sve tri strane potpišu do kraja ovog mjeseca kako bi se na vrijeme moglo početi sa konkretizacijom aktivnosti na pripremi realizacije ove izuzetno važne manifestacije za Grad Sarajevo i Bosnu i Hercegovinu, kroz raspisivanje javnog poziva odnosno ugovaranje međusobnih odnosa sa subjektima organizatorima pojedinih segmenata programa.

FINANSIJSKA SREDSTVA

Finansijska sredstva za realizaciju Odluke o davanju saglasnosti gradonačelnici Grada Sarajeva da u ime Grada Sarajeva potpiše Sporazum o međusobnim pravima i obavezama između MOK-a, OK BiH i Grada Sarajeva u povodu obilježavanja 40. godišnjice Zimskih olimpijskih igara održanih u Sarajevu 1984. godine nisu potrebna.